

RICARDO CARVALHO CALERO



CUESTIONARIO


LETRAS GALEGAS
17 DE MAIO DE 2020

SeminarioGalán.org

RICARDO CARVALHO CALERO



O DÍA DAS LETRAS GALEGAS FOI INSTITUÍDO POLA REAL ACADEMIA GALEGA NO ANO 1963 EN CONMEMORACIÓN DO CENTENARIO DA PUBLICACIÓN DO LIBRO *Cantares gallegos* DE ROSALÍA DE CASTRO.



1.- Quen instituíu o Día das Letras Galegas?

2.- Que se conmemorou no ano 1963?

1

RICARDO CARVALHO CALERO FOI CRÍTICO LITERARIO, FILÓLOGO, HISTORIADOR DA LITERATURA GALEGA, LINGÜISTA, NOVELISTA... E O PRIMEIRO CATEDRÁTICO DE LINGUA E LITERATURA GALEGA DA UNIVERSIDADE COMPOSTELÁ. A EL DEDICÁMOSLLE O DÍA DAS LETRAS GALEGAS DESTE ANO.



3.- A quen se lle dedica este ano o Día das Letras Galegas?

4.- De que materia foi catedrático?

2

RICARDO CARVALHO NACEU NA CIDADE DE FERROL O 30 DE OUTUBRO DE 1910. ERA O PRIMOXÉNITO DE GABRIEL RICARDO E M^a DOLORES, QUE TIVERON CINCO FILLOS MÁIS.

A SÚA NAI APRENDEULLE A LER USANDO AS PÁXINAS DO XORNAL.



5.- Onde naceu Ricardo Carvalho?

6.- Como aprendeu a ler?

3

O ENSINO PRIMARIO REALIZOUNO EN FERROL, NUNHA ESCOLA DA RÚA MAGDALENA E DESPOIS NUN COLEXIO DIRIXIDO POLO ESCRITOR MANUEL COMELLAS. O BACHARELATO FÍXOO «POR LIBRE», REALIZANDO EXAMES EN VARIOS INSTITUTOS GALEGOS E DE CIUDAD REAL.



7.- En que rúa ferrolá estaba unha das escolas nas que fixo os estudos primarios Ricardo Carvalho?

8.- Quen dirixía un dos colexios nos que estudou?

4

EN 1931 REMATOU, NA UNIVERSIDADE DE SANTIAGO, A CARREIRA DE DEREITO COA CUALIFICACIÓN DE SOBRESALIENTE, FACENDO OS CINCO CURSOS DA CARREIRA EN SÓ CATRO ANOS. FOI O ENCARGADO DE PRONUNCIAR O DISCURSO DE INAUGURACIÓN DO CURSO 1930-1931.



9.- Que carreira universitaria fixo en Santiago de Compostela?

10.- En cantos anos?

5

AO CHEGAR A SANTIAGO ENTROU A FORMAR PARTE DO SEMINARIO DE ESTUDOS GALEGOS, CREADO EN 1923, CO OBXECTIVO DE ESTUDAR E DIVULGAR O PATRIMONIO E A CULTURA GALEGA. NESTE GRUPO RICARDO CHEGARÍA A SER CONSELLEIRO E SECRETARIO XERAL.



11.- En que grupo entrou Ricardo ao chegar a Santiago?

12.- Que obxectivos tiña o Seminario de Estudos Galegos?

6

EN SANTIAGO REALIZOU O SERVIZO MILITAR OBRIGATORIO. UNS ANOS DESPOIS, EN 1936, PARTICIPOU NA GUERRA CIVIL CONTRA OS MILITARES GOLPISTAS E DEFENDENDO A REPÚBLICA. FOI DETIDO E CONDENADO A DOCE ANOS DE CÁRCERE, DOS QUE SÓ CUMPRÍU DOUS.



13.- Que defendeu Ricardo Carvalho na Guerra Civil?

14.- Cantos anos estivo no cárcere?

7

AO VOLTAR A GALICIA ENTROU A TRABALLAR NO COLEXIO FINGOI, DE LUGO, ONDE ESTIVO COMO PROFESOR E CONSELLEIRO DELEGADO DURANTE QUINCE ANOS. COORDINOU O CENTRO DE ESTUDOS FINGOI QUE PUBLICOU LIBROS EN GALEGO.



15.- En que colexio lugués traballou?

16.- Que coordinou dende o colexio Fingoi?

8

A xente da Barreira É A PRIMEIRA NOVELA EN IDIOMA GALEGO PUBLICADA DESPOIS DA GUERRA CIVIL. PUBLICOUSE EN 1951 POLA EDITORIAL BIBLIÓFILOS GALEGOS. NA NOVELA CÓNTASE A HISTORIA DUNHA FAMILIA FIDALGA RURAL, OS FRADE DE EIRÍS.



17.- Cal é o título da primeira novela en galego publicada despois da Guerra Civil?

18.- De que familia trata a novela?

9

As pitas baixo a choiva NARRA UN FEITO QUE LLE ACONTECEU A RICARDO CANDO ERA NENO E INTENTABA METER AS PITAS NO GALIÑEIRO PARA QUE NON SE MOLLARAN. AO FINAL ACABAN TODOS MOLLADOS. O RELATO FOI PUBLICADO NA REVISTA LAR NO ANO 1952.



19.- Que animais son os protagonistas de *As pitas baixo a choiva*?

20.- En que revista se publicou este relato?
En que ano?

EN *Catro pezas*, PUBLICADO POLA EDITORIAL GALAXIA EN 1971, RECÓLLENSE OBRAS TEATRAIS DE RICARDO CARVALHO. «A farsa das zocas», UNHA DESTAS PEZAS, É QUIZAIS A MÁIS COÑECIDA E REPRESENTADA.



21.- Que editorial publicou *Catro pezas*?

22.- Cal é a peza máis coñecida e representada de *Catro pezas*?

OS *Contos populares da provincia de Lugo* FORON RECOLLIDOS POLO PROFESORADO DE PRIMARIA DOS BEIZOS DA RAPAZADA DOS SEUS COLEXIOS E PUBLICADOS POLO CENTRO DE ESTUDOS FINGOI. A PRIMEIRA EDICIÓN, EN 1963, CONSTABA DE 300 CONTOS.



23.- Quen recolleu os relatos que se publicaron en *Contos populares da provincia de Lugo*?

24.- Cantos contos tiña a primeira edición do ano 1963?

12

ENTRA A TRABALLAR, EN 1965 COMO PROFESOR NO INSTITUTO ROSALÍA DE CASTRO DE SANTIAGO E, EN 1972, APROBA AS OPOSICIÓN S Á CÁTEDRA DE LINGUA E LITERATURA GALEGA DA UNIVERSIDADE COMPOSTELÁ CONVERTÉNDOSE NO PRIMEIRO CATEDRÁTICO DESTA ESPECIALIDADE.



25.- En que instituto entrou a traballar no ano 1965?

26.- En que ano aprobou as oposicións á cátedra de Lingua e Literatura Galega?

13

EN 1966 APARECE, PUBLICADA POLA EDITORIAL GALAXIA, A PRIMEIRA EDICIÓN DA SÚA *Gramática elemental del gallego común* UN MATERIAL DIDÁCTICO INEXISTENTE NESES ANOS E QUE SERÍA REEDITADO SETE VECES.



27.- Que libro publicou Galaxia en 1966?

28.- Cantas veces se reeditou a *Gramática elemental del gallego común*?

14

Gramática elemental del gallego común, ESCRITA POR RICARDO E PUBLICADA EN 1966, ESTABA DIRIXIDA AO ALUMNADO DA UNIVERSIDADE E AO PROFESORADO DE PRIMARIA QUE, DAQUELA, NON TIÑAN UNHA GRAMÁTICA NO NOSO IDIOMA.



29.- En que ano se publicou a *Gramática elemental del gallego común*?

30.- A quen estaba dirixida esta gramática?

15

RICARDO ESTÁ CONSIDERADO COMO O IDEÓLOGO DO «REINTEGRACIONISMO», UNHA CORRENTE LINGÜÍSTICA QUE DEFENDE QUE O GALEGO É UNHA VARIANTE DO PORTUGUÉS E PROPÓN O USO DUNHA GRAFÍA BASEADA NA NORMATIVA PORTUGUESA.



31.- Quen está considerado o ideólogo do «reintegracionismo»?

32.- Segundo esta teoría, de que idioma sería unha variante o idioma galego?

A NOVELA *Scórpio* PUBLICOUSE EN 1987 POR SOTELO BRANCO EDICIÓNS E ACADOU O PREMIO DA CRÍTICA DE NARRATIVA GALEGA DESE MESMO ANO. O TEXTO CONTÉN NUMEROSOS ELEMENTOS AUTOBIOGRÁFICOS DO PROPIO CARVALHO CALERO.

SCÓRPIO

XXIII
SOCORRO

Pasamos estes primeiros días de verán na casa de Cabana, á beira do mar. Papá e a súa xente non chegarían ata o próximo mes. Artur pasa moitos días comosco cando o servizo llo permite. Os nenos medran saus. A cocleira e a neneira quérennos moito. Eu vou moitas veces ata o peirao a acompañar a Artur cando colle a lancha para Ferrol, e Felicia leva ao neno menor no colo e ao maior da man. Voltamos as dúas mulleres e os dous calvos respirando o vento mareiro e algunhas veces subimos ao souto de San Antón e ali estamos ata a hora do almorzo.

Ricardo Calero

A NOVELA «SCÓRPIO» PUBLICOUSE EN 1987 POR SOTELO BRANCO EDICIÓNS E ACADOU O PREMIO DA CRÍTICA DE NARRATIVA GALEGA DESE MESMO ANO. O TEXTO CONTÉN NUMEROSOS ELEMENTOS AUTOBIOGRÁFICOS DO PROPIO CARVALHO CALERO.

LETRAS GALEGAS 2020

33.- Que premio acadou a novela *Scórpio*?

34.- De que trata *Scórpio*?

RICARDO CARVALHO CALERO

DÍA DAS LETRAS GALEGAS, 17 DE MAIO DE 2020

Seminario Calero

Espazo de Descobertas do Lingua Galega

INSTITUTO GALEGO DE INVESTIGACIÓN E INNOVACIÓN TECNOLÓXICA